

In diébus illis:

³ **S**itívit pópulus præ aquæ penúria
et murmurávit contra Móysen dicens:
«Cur fecísti nos exíre de Ægýpto,
ut occíderes nos et líberos nostros ac iuménta siti?».

⁴ Clamávit autem Móyses ad Dóminum dicens:
«Quid fáciam pópulo huic?
Adhuc páululum et lapidábunt me».

⁵ Et ait Dóminus ad Móysen:
«Antecéde pópulum
et sume tecum de senióribus Israel,
et virgam, qua percussísti flúvium, tolle in manu tua
et vade.

⁶ En ego stabo coram te ibi super petram Horeb;
percutiésque petram,
et exíbit ex ea aqua, ut bibat pópulus».
Fecit Móyses ita coram senióribus Israel.

⁷ Et vocávit nomen loci illíus Massa et Meríba,
propter iúrgium filiórum Israel
et quia tentavérunt Dóminum dicéntes:
«Estne Dóminus in nobis an non?».

Verbum Dómini.